

ՄԽԻԹԱՐ ԳՈՇԻ ԳՐԱԿԱՆ ԺԱՌԱՆԳՈՒԹՅԱՆ ԴԱՍՏԻԱՐԱԿՉԱԿԱՆ
ՆՇԱՆԱԿՈՒԹՅՈՒՆԸ

ՕՖԵԼՅԱ ՀՈՎՀԱՆՆԻՍՅԱՆ

Շիրակի Մ. Նալբանդյանի անվան պետական համալսարան, ՀՀ, Գյումրի
Էլ. հասցե՝ ofelya.hovhannisyan82@gmail.com

DOI: 10.24234/scientific.v1i51.317

ԱՍՓՈՓՈՒՄ

Մխիթար Գոշի բարոյախոսական ժառանգության քննությունը ավագ դպրոցի կրթական հարացույցում դիտարկվում է որպես արդիականության մարտահրավերներին դիմակայելու հիմնարար միջոց: Ժամանակակից պատանու բարոյական ապակողմնորոշման պայմաններում Գոշի բարոյախոսական համակարգը, խարսխված լինելով արդարության, չափավորության և բանականության սկզբունքների վրա, առաջարկում է հասարակական արատների դեմ ներքին դիմադրողականություն ձևավորելու համար կարևոր և ինքնատիպ զինանոց: Գոշի աշխարհայացքում բարոյականությունը հանդես է գալիս իրավագիտության և պետականաշինության գաղափարի հետ օրգանական միասնության մեջ: Իրավական պետության կայացման համատեքստում նրա պատգամած «համընդհանուր բարիքի» և սոցիալական պատասխանատվության սկզբունքները վերածվում են կրթական ուղենիշների՝ սերմանելով այն գիտակցությունը, որ անհատական առաքինությունը հասարակական-պետական հզորության հիմնասյունն է: Առակների այլաբանական կառուցվածքն ու բարոյական երկրնորանքների լուծումը հզոր մեթոդական գործիքներ են պատանիների վերլուծական կարողությունների զարգացման համար: Դրանք նպաստում են երևույթների ենթատեքստային ընկալմանը և պատճառահետևանքային կապերի բացահայտման միջոցով գիտակցված բարոյական ընտրության կայացմանը: Միջնադարյան իմաստնության վերհանումը թույլ է տալիս սովորողին ընկալել ազգային մշակույթը որպես համամարդկային քաղաքակրթության անքակտելի մաս՝ խթանելով ազգային ինքնաճանաչումն ու արժանապատվության ամրապնդումը:

Այսպիսով, Մխիթար Գոշի բարոյախոսական համակարգի ներդրումը կրթական գործընթացում ոչ միայն պատմագիտական ճանաչողության խնդիր է, այլև գիտամանկավարժական ռազմավարություն, որի նպատակն է ձևավորել բանական, բարոյապես հասուն և քաղաքացիական ակտիվ դիրքորոշում ունեցող ժամանակակից անհատին:

Բանալի բառեր՝ այլաբանական կառուցվածք, բարոյախրավական արժեհամակարգ, քաղաքացիական պատասխանատվություն, քննադատական մտածողություն, արժեքային կողմնորոշում, պետականակենտրոն դաստիարակություն, ազգային ինքնություն:

ՆԵՐԱԾՈՒԹՅՈՒՆ

Մխիթար Գոշի աշխարհայացքային հարացույցում բարոյականությունը դիտարկվում է որպես բացարձակ արժեք (Անթաբյան, 1980): Նա հայ իրականության մեջ հիմնավորեց իրավունքի և բարոյականության օրգանական փոխլրացվածության գաղափարը՝ պնդելով, որ իրավունքն առանց բարոյական հիմքի կույր է, իսկ բարոյականությունն առանց իրավական լծակների՝ անգոր:

Գոշի գրական-փիլիսոփայական ժառանգությունը բնութագրվում է որպես «կանոնական բարոյախոսություն»: Հեղինակը էթիկական նորմերը տեղափոխում է իրավական-գործնական հարթություն. էթե ավանդական քարոզախոսությունը սահմանափակվում էր գթասրտության հորդորներով, ապա Գոշը ձգտում է սահմանել այդ գթասրտության «իրավական չափը» և դրա դրսևորման մեխանիզմները հասարակական փոխհարաբերություններում: Նրա հայեցակարգում բարոյականությունը հասարակական համակեցությունն ապահովող հիմնական «շաղախն» է (Արևշատյան, 1975): Ըստ հեղինակի՝ առանց անհատի ներքին բարոյական զսպանակների, սոսկ արտաքին օրենքը ի գորու չէ երաշխավորել հասարակական կայուն կարգը (Օհանյան, 2012): Եթե նախորդող շրջանում ստախոսությունը դիտարկվում էր գուտ որպես աստվածային պատվիրանի խախտում (մեղք), ապա Գոշի վերլուծական համակարգում այն որակվում է որպես սոցիալական հանցանք, քանի որ խաթարում է միջանձնային վստահությունը՝ կազմալուծելով համակեցության հնարավորությունը (Մկրտչյան, 2005): «Դատաստանագրքի» և առակների գաղափարական միասնությունն ու փոխկապակցվածությունը Գոշի մեթոդաբանական հանճարի լավագույն վկայությունն են:

«Դատաստանագիրքն» ուրվագծում է իրավական այն սահմանագիծը, որի խախտման պարագայում պետական կամ եկեղեցական ատյանները կիրառում են պատժամիջոցներ: Առակների գերագույն նպատակը բարոյական այնպիսի գիտակցության արմատավորումն է, որը կբացառի անհատի առնչությունը «Դատաստանագրքի» պատժիչ գործառույթներին: Այլ կերպ ասած՝ բարոյական դաստիարակությունը պետք է դառնա այն հաստատուն հիմքը, որը կկանխարգելի իրավախախտումը դեռևս մտադրության կամ գաղափարի մակարդակում (Գևորգյան, 2010): Գոշի ստեղծագործական հանճարի գագաթնակետը դրսևորվում է կենդանական,

բուսական և նույնիսկ անշունչ առարկաների (օրինակ՝ երկնային մարմինների) աշխարհի այլաբանական պատկերման մեջ, որի միջոցով նա վերհանում է մարդկային հոգեբանության նրբագույն և հակասական շերտերը: Գոշի կերտած կերպարները գուրկ են միազիժ բնութագրումներից. նրանք մարմնավորում են որոշակի սոցիալական դերեր և հոգեբանական տիպեր՝ տիրակալից մինչև հնազանդվող, խորամանկից մինչև անձնագոհ (Մկրտչյան, 2005): Հեղինակի փիլիսոփայության մեջ բարոյականությունը մարդկային հասարակության մեջ տիեզերական բնականոն կարգի արտացոլումն է (Արևշատյան, 1975): Այս համատեքստում այլաբանությունը Գոշի ձեռքում վերածվում է յուրօրինակ «էթիկական դիվանագիտության»՝ հանդես գալով որպես բարոյական խրատի մատուցման մեղմացնող և ներագոյող գործիք, որն իրականացնում է մի քանի առանցքային գործառույթներ (Գոշ, 1980):

Միջնադարյան հասարակարգում իշխանավորների կամայականությունների կամ դատական համակարգի անարդարությունների բացահայտ քննադատությունը հղի էր վտանգավոր հետևանքներով: Այս համատեքստում այլաբանությունը հանդես էր գալիս որպես գեղագիտական «հեռավորություն» պահպանելու արդյունավետ հնարավորություն: Քողարկվելով «առյուծի» կամ «գայլի» այլաբանական կերպարների ներքո՝ Գոշը փաստացի իրականացնում էր իր ժամանակաշրջանի տիրակալների և սոցիալական արատների խորքային վերլուծություն ու քննադատություն: Այլաբանական վերլուծության մեթոդը բացառիկ արդյունավետություն է դրսևորում ավագ դպրոցի կրթական գործընթացում, քանի որ այն նպաստում է սովորողների ընկալումների տեղափոխմանը կոնկրետ պատկերից դեպի վերացարկված գաղափարական ընդհանրացումներ, հնարավորություն է ընձեռում կազմակերպել բովանդակային բանավեճեր, որտեղ աշակերտները քննության են առնում ոչ թե անձնավորված կերպարներ, այլ նրանցով ներկայացված բարոյական և արժեքային հայեցակարգերը (Գևորգյան, 2010), ստեղծում է վերլուծական հարթակ հասարակական բացասական երևույթների (անարդարություն, կեղծավորություն) քննարկման համար՝ ապահովելով անհրաժեշտ ակադեմիական չեզոքություն և վերլուծական սթափություն (Օհանյան, 2012):

Մխիթար Գոշի հայեցակարգային մոտեցումը մարդու էությանն ու նրա էթիկական պարտավորություններին հայ միջնադարյան մտածողության մեջ ներմուծում է որակական նոր հարացույց (Արևշատյան, 1975): Հեղինակն ընդգծում է, որ մարդը նախևառաջ բանական էակ է, և հենց այդ բանականությունն է հանդիսանում նրա ազատ կամքի և ինքնորոշման աղբյուրը: Գոշի փիլիսոփայության մեջ բարոյականությունը դիտարկվում է որպես բանականության բարձրագույն դրսևորում. հետևաբար, ցանկացած անբարո արարք որակվում է որպես գործողություն սեփական

բանականության դեմ: Մարդը չի դիտարկվում որպես կանոնների ու պատվիրանների մեխանիկական կատարող. Գոշը առաջնային է համարում ներքին համոզմունքի գործոնը: Բարոյական ինքնավարության սկզբունքը ենթադրում է բարու գիտակցված ընտրություն՝ զերծ պատժի վախից կամ արտաքին հարկադրանքից (Օհանյան, 2012): Սա կարևորագույն հիմք է ավագ դպրոցականների շրջանում սեփական արարքների համար անհատական պատասխանատվության գիտակցումն արմատավորելու համար (Գևորգյան, 2010):

Գոշի մշակած բարոյական սկզբունքները զուրկ են վերացականությունից և ունեն ընդգծված գործնական-քաղաքացիական ուղղվածություն: Նրա արժեհամակարգը խարսխված է երեք հիմնարար առանցքների վրա՝ արդարամտություն, չափավորություն, խոհեմություն:

Այս երեք հիմնարար հատկանիշների համադրությամբ Մխիթար Գոշը կերտում է «բարոյական քաղաքացու» հայեցակարգային մոդելը, որն իր արդիականությունն է պահպանում ժամանակակից քաղաքացիական հասարակության կայացման համատեքստում: Հեղինակը հետևողականորեն զուգահեռներ է անցկացնում տիեզերական օրինաչափությունների և մարդկային վարքագծի միջև՝ հիմնավորելով այն թեզը, որ ինչպես բնական երևույթները (արեգակի շարժը, տարվա եղանակների հերթագայությունը) ենթարկվում են անխախտ կանոնների, այնպես էլ բարոյականությունը մարդկային կեցության բնական անհրաժեշտությունն է (Արևշատյան, 1975):

Ըստ Գոշի՝ չարիքը, անարդարությունը և ազահությունը խաթարում են տիեզերական ներդաշնակությունը. հետևաբար, անբարո անհատը օտարվում է կյանքի բնականոն հունից: Սա առանցքային դաստիարակչական դրույթ է ավագ դպրոցի համար, քանի որ բարոյականությունը ներկայացվում է ոչ թե որպես արտաքին արհեստական սահմանափակում, այլ որպես առողջ և բնականոն կենսակերպի անկյունաքար: Գոշի ընկալմամբ՝ մարդկային արատները զուտ անձնային բնութագրիչներ չեն, այլ հասարակության կառուցվածքային քայքայման հիմնական գործոններ: Մի շարք առակներում երևում է հասարակական շերտավորումը և սոցիալական պայքարի առկայությունը: Գրականագետ Դ.

Գասպարյանի նկատում է. «Մեծի վարքը օրինակելի է դառնում փոքրերի համար: Այս դաստիարակչական գաղափարը Գոշի առակների ուղենիշ սկզբունքներից մեկն է» (Գասպարյան, 2009):

Օրինակ՝ **«Ձկները և նրանց թագավորը»** առակում *ձկները մեղադրվեցին իրենց թագավորից. «Ինչո՞ւ եք ուտում ձեզնից մանր ձկներին: Հա մարձակություն ստանալով՝ ձկները պատասխանում են.*

«Որովհետև քեզնից սովորեցինք, շատերը եկան քեզ երկրպագելու, և կլանելով՝ քեզ կերակուր դարձրին: Ըստ այդմ իրենք ևս ավելի հանդուգն եղան:»

«Ջայլամն ու ծիտը» առակում հեղինակը հանդիմանում է ունայն ցանկությունները, որ փոքրերը, տեսնելով հզորների գործը, իրենք ևս ցանկանում են գործել՝ չմտածելով իրենց սկարբային մասին: Ծիտը տեսնելով, որ ջայլամը մեծ-մեծ ձվեր է ածում, գայթակղվեց և ուսանելուն պատակով հարցրեց գաղտնիքը: Ջայլամն ասաց. «Կրակ եմ ուտում և այդ պատճառով էլ խոշոր ձվեր եմ ածում»: Կարծելով, թե ճիշտ է ասածը, ծիտը կրակ կերավ ու մեռավ: Չմտածեց, որ ոչ թե դա է պատճառը, այլ հասակի մեծությունը: Քննադատելով ազահությունը՝ Գոշը թիրախավորում է շահագործման երևույթը, որը խարխուլում է երկրի տնտեսական և իրավական հիմքերը: Նա փաստում է, որ նյութապաշտությունը մթագնում է բանականությունը՝ հանգեցնելով հանրային շահի նկատմամբ հանցավոր անտարբերության: Ամբարտավանությունը և իշխանատենչությունը դիտարկվում են որպես ներքին պառակտումների և երկպառակությունների աղբյուր, որոնք թուլացնում են պետականության դիմադրողականությունը արտաքին մարտահրավերների պայմաններում:

Գոշի խրատական ժառանգությունն ու առակներն ունեն ինչպես ուղղահայաց, այնպես էլ հորիզոնական ընդգրկում: Նա իր պատգամներն է ուղղում հասարակության բոլոր օղակներին՝ սկսած արքայից ու բարձրաստիճան իշխանավորներից, դատավորներից ու հոգևորականությունից, մինչև ռամիկներն ու շինականները (Գոշ, 1980): Սա փաստում է նրա մտածողության ժողովրդավարական և համապարփակ բնույթի մասին. բարոյական նորմը հանդես է գալիս որպես համապարտադիր գաղափար, անկախ անհատի սոցիալական դիրքից, դասային պատկանելությունից կամ ծագումնաբանությունից:

Պետականակենտրոն բարոյախոսությունը ավագ դպրոցի կրթական համատեքստում ձեռք է բերում առանցքային նշանակություն (Գևորգյան, 2010): Գոշը սովորեցնում է, որ անհատի բարոյական նկարագիրը պայմանավորված է հանրային բարօրության մեջ նրա ունեցած ներդրմամբ: Որևէ անհատ կամ սոցիալական խումբ դուրս չէ բարոյական պատասխանատվության տիրույթից: Այս մոտեցումը նպաստում է սովորողների քաղաքացիական ինքնագիտակցության բյուրեղացմանը՝ ամրագրելով այն հիմնարար թեզը, որ անձնական առաքիլությունը հանդիսանում է հզոր և կայուն պետականության անխախտ նախապայմանը (Օհանյան, 2012): Գրականագետ Դ. Գասպարյանի հավելումով՝ «Առակների ոգին սոցիալական դասերի համերաշխությունն է. իշխաններն իրենց տեղում պետք է ճիշտ լինեն, ենթականերն իրենց: Եթե ամեն ինչ

իրար խառնվի, անկարգություն կլինի, և հանրությունը կկորցնի իր հավասարակշռությունը» (Գասպարյան, 2009):

ՄԵԹՈԴԱԲԱՆՈՒԹՅՈՒՆ

Ելնելով հոդվածի հիմնական առաջադրություններից՝ թեմայի քննաբանության համար ընտրել ենք հետևյալ մեթոդաբանական գործիքակազմը՝ հոգեբանական վերլուծության, տիպաբանական, մեկնաբանական, համադրական և նկարագրական մեթոդներ: Դրանք հնարավորություն են ընձեռում թափանցելու առակների հերոսների ներաշխարհի ծալքերը և բացահայտելու այն հոգեբանական զուգորդումները, որոնք ձևավորում են հեղինակի աշխարհընկալումը, վերհանելու առակներին բնորոշ կառուցվածքային ձևերը, խորքային շերտերն ու թաքնված իմաստները՝ դիտարկելով հեղինակի խոսքը որպես ինքնատիպ հոգևոր վավերագիր: Վերոնշյալ մեթոդները բավարար հնարավորություններ են ստեղծել իրականացնելու գրականագիտական ճշմարիտ վերլուծություններ՝ հենվելով հեղինակի ստեղծագործությունների վրա, բացահայտելով դրանց գեղագիտական հմայքն ու կենսական ճշմարտությունները: Այս մեթոդների համակարգային կիրառումը թույլ է տալիս ՄԻ. Գոշի արվեստը դիտարկել ոչ թե լոկ որպես գրական փաստ, այլ որպես մի ամբողջություն, որտեղ կյանքը և մարդկային ելևէջները միահյուսվում են ինքնատիպ գեղագիտության մեջ:

ՔՆՆԱՐԿՈՒՄ

Մխիթար Գոշի առակների ժանրային առանձնահատկությունների քննությունը հնարավորություն է ընձեռում բացահայտելու այն գեղագիտական մեխանիզմները, որոնց միջոցով հեղինակը ներագրում է ընթերցողի բարոյական գիտակցության վրա: Հեղինակը հմտորեն կամրջում է գեղարվեստական այլաբանությունը և սոցիալական իրականությունը: Այս մեթոդաբանությունը զարգացնում է երևույթների խորքը տեսնելու հմտությունը և օգնում է վերհանել պատճառահետևանքային կապերը՝ հիմնավորելով, որ յուրաքանչյուր այլաբանական կառույց ունի օբյեկտիվ սոցիալ-հոգեբանական հիմք: Այն բովանդակությունը, որը սովորողն ընկալում է որպես սյուժետային պատմություն և վերլուծում որպես տիպաբանական իրավիճակ, վերջնարդյունքում վերածվում է ներքին համոզմունքի և վարքագծային կանոնի (Գևորգյան, 2010): Սա բյուրեղացնում է պատանու բարոյական կողմնորոշիչները՝ նրան օժտելով կյանքի բարդ իրավիճակներում ճիշտ դիրքորոշվելու «բանալիներով»: Այլաբանությունը Գոշի ստեղծագործական մեթոդում վերաճում է ճանաչողական գործիքի, որի օգնությամբ հեղինակը քննության է առնում մարդկային հոգեկերտվածքի և հասարակական կեցության բազմաշերտ կողմերը: Գոշի առակների ժանրային հիմքում ընկած է ազգային աշխարհընկալումը, սակայն դրանց գաղափարական բովանդակությունը դուրս է գալիս

ազգային սահմաններից՝ ձեռք բերելով համամարդկային և տիեզերական հնչեղություն: Առակների ժանրային յուրահատկությունը պատանուց պահանջում է բազմաշերտ ընկալում (Մկրտչյան, 2005): Մխիթար Գոշի «կատարյալ մարդու» տիպարը ոչ թե վերացական է, այլ բարոյական և քաղաքացիական առաքինությունների ներդաշնակ համադրություն: Այս տիպաբանությունը հենվում է այնպիսի հիմնասյունների վրա, որոնք անմիջականորեն առնչվում են ժամանակակից պատանու անհատականության ձևավորմանը (Գևորգյան, 2010): Կատարյալ մարդը Գոշի ընկալմամբ բանական էակ է, ով իր առավելությունն իրացնում է գիտելիքի և քննական մտքի միջոցով: Հեղինակը գերակա արժեք է համարում ուսումնի ու լուսավորությունը՝ փաստելով, որ տգիտությունը բոլոր սոցիալական չարիքների և բարոյական անկման ակունքն է: Իմաստությունը նրա համար ոչ թե լոկ տեղեկատվական պաշար է, այլ երևույթների պատճառահետևանքային կապերը վերհանելու և իմաստավորելու ունակություն: Մխիթար Գոշի «կատարյալ մարդու» հարացույցը խարսխված է բանականություն – առաքինություն – արդարություն անքակտելի եռամիասնության վրա: Այս բաղադրիչների համակողմանի ներդաշնակությունը կրթական գործընթացում հնարավորություն է ընձեռում ավագ դպրոցում ձևավորել այնպիսի անհատականություն, որն օժտված է քննադատական մտածողությամբ, բարոյական ամուրի հենքով և ակտիվ քաղաքացիական դիրքորոշմամբ (Օհանյան, 2012): Ավագ դպրոցական տարիքում պատանին թևակոխում է սոցիալականացման այնպիսի փուլ, երբ սկսում է իրեն ընկալել որպես հասարակության ներգործուն անդամ: Գոշի մարդակենտրոն տիպաբանությունը մատուցում է հստակ ուղենիշներ՝ անձնական ներուժը հանրային օգտակարության վերածելու համար: Հեղինակի համար արդարությունը ոչ միայն իրավական եզրույթ է, այլև բարոյական կեցվածք: «Կատարյալ մարդը» նա է, ով ոչ միայն սեփական վարքագծում է առաջնորդվում արդարության սկզբունքով, այլև ունակ է ցուցաբերելու ակտիվ անհամաձայնություն ցանկացած անարդարության նկատմամբ: Սա նպաստում է սովորողի մեջ քաղաքացիական համարձակության և բարոյական կայունության ձևավորմանը՝ զերծ պահելով նրան կրավորական դիտորդի դերից և օգնելով դիմակայել արտաքին բացասական ազդեցություններին: Գոշը փառաբանում է այն անհատին, ով իր մտավոր և բարոյական կարողությունները ներդնում է պետականության և ժողովրդի հզորացման գործում: Այս գաղափարը սերմանում է գիտակցված հայրենասիրություն՝ ընդգծելով, որ հայրենիքի հանդեպ սերը ոչ թե լոկ վերացական հուզական զեղում է, այլ կոնկրետ պատասխանատվություն և նվիրում: «Կատարյալ մարդը» հանրության հետ կապված է իր գործունեությամբ, ինչը պատանուն հուշում է, որ ապագա մասնագիտական հաջողությունը պետք է ունենա նաև բարձր սոցիալական ու բարոյական արժեք:

ԵԶՐԱԿԱՑՈՒԹՅՈՒՆ

Մխիթար Գոշի կողմից առաջադրված «կատարյալ մարդու» տիպաբանությունը հանդիսանում է պատանեկան տարիքի հոգեբանական և արժեքային վերափոխումների արդյունավետ մեթոդաբանական գործիք: Այն հնարավորություն է ընձեռում ավագ դպրոցականին դուրս բերել նեղ անձնակենտրոն շահերի տիրույթից՝ ձևավորելով սոցիալական բարձր պատասխանատվություն և գեղագիտական ներագոյեցությամբ հիմնավորված բարոյական ներքին հենք: Գոշի գրական ժառանգությունը ծառայում է որպես հիմնարար առանցք, որի վրա խարսխվում է բարոյապես հասուն անհատի և գիտակից քաղաքացու կերտման գործընթացը: Գոշի կողմից սահմանված բարոյական և իրավական նորմերը, մասնավորապես՝ դատական իշխանության անկողմնակալությունը, տիրակալի (իշխանության) պատասխանատվությունը հանրության առջև և մարդու իրավունքների նախնական տարրերը, իրենց էությամբ համահունչ են ժամանակակից ժողովրդավարական և քաղաքացիական հասարակության սկզբունքներին: Այս կապը թույլ է տալիս միջնադարյան արժեքները ներկայացնել ոչ թե որպես պատմական մասունք, այլ որպես արդիական քաղաքացիական կողմնորոշիչներ: Մխիթար Գոշի առակներում արտացոլված բարոյաիրավական արժեքները՝ արդարադատությունը, հավասարությունը և չափավորությունը, իրենց գաղափարական բովանդակությամբ լիովին համապատասխանում են հանրակրթության պետական չափորոշչով սահմանված կարողունակություններին: Դրանք կարող են ծառայել որպես հանձնարարելի ուսուցողական նյութ ավագ դպրոցականների քաղաքացիական դաստիարակության, իրավական գիտակցության բարձրացման և էթիկական կողմնորոշման համար: Մխիթար Գոշի ստեղծագործական ժառանգության համակարգված և նպատակային կիրառումը կրթական գործընթացում հնարավորություն է տալիս հայ գրականության դասաժամերը վերածել անհատի բարոյական կոփման և գաղափարական վերլուծության գործուն հարթակի: Սա նպաստում է այնպիսի վերջնարդյունքների ապահովմանը, որտեղ աշակերտը ոչ միայն ստանում է գրական գիտելիք, այլև յուրացնում է բարոյականության և պետականակենտրոն մտածողության անխախտ սկզբունքները:

ԳՐԱԿԱՆՈՒԹՅԱՆ ՑԱՆԿ

- Աբեղյան Մ.** (1946). *Հայոց հին գրականության պատմություն* (հտ. 2): ՀԽՍՀ ԳԱ հրատարակչություն:
- Անթարյան Փ.** (1980). *Մխիթար Գոշ*. «Հայաստան»:

- Արևշատյան Ս. (1975). *Փիլիսոփայական գիտությունը միջնադարյան Հայաստանում*: «Հայաստան»:
- Բադալյան Ս. (2002). *Մխիթար Գոշի սոցիալ-իրավական հայացքները*: «Մխիթար Գոշ»:
- Գասպարյան Դ. (2009). *Հայ հին և միջնադարյան գրականության պատմություն*: «Տիգրան Մեծ»:
- Գոշ Մ. (1980). *Առակներ*: «Սովետական գրող»:
- Գոշ, Մ. (1975). *Գիրք դատաստանի*: «Հայաստան»:
- Գևորգյան Ա. (2010). *Հայ մանկավարժության պատմություն*: «Երևանի համալսարանի հրատարակչություն»:
- Դարբինյան-Մելքոնյան Հ. (2001). *Մխիթար Գոշի «Դատաստանագիրքը» որպես պատմական աղբյուր*: «Գիտություն»:
- Թոսունյան Գ. (1987). *Մխիթար Գոշի «Դատաստանագրքի» լեզուն*: ՀԽՍՀ ԳԱ հրատարակչություն:
- Իշխանյան Ռ. (1993). *Հայ հին գրականության պատմություն*: «Երևանի համալսարանի հրատարակչություն»:
- Մկրտչյան Մ. (2005). *Հայ միջնադարյան առակը*: «Գիտություն»:
- Մնացականյան Ա. (1981). *Հայկական միջնադարյան քնարերգություն*: «Սովետական գրող»:
- Նալբանդյան Վ. (1982). *Միջնադարյան հայ գրականության հիմնական ուղղությունները*: «Լույս»:
- Օհանյան Ս. (2012). *Դաստիարակության տեսություն և մեթոդիկա*: «Էդիթ Պրինտ»:

REFERENCE LIST

- Abegyan M. (1946). *Istoriya drevnearmyanskoj literatury (History of ancient Armenian literature)* (tom 2). Izdatel'stvo Akademii nauk Armyanskoj SSR.
- Antabyan P. (1980). *Mhitar Gosh (Mkhitar Gosh)*. «Armeniya».
- Arevshatyan S. (1975). *Filosofskaya nauka v srednevekovoj Armenii (Philosophy in Medieval Armenia)*. «Armeniya».
- Badalyan S. (2002). *Social'nye i pravovye vzglyady Mhitara Gosha (Social and legal views of Mkhitar Gosh)*. «Mhitar Gosh».
- Gasparyan D. (2009). *Istoriya drevnearmyanskoj i srednevekovoj literatury (History of ancient Armenian and medieval literature)*. «Tigran Velikij».
- Gevorgyan A. (2010). *Istoriya armyanskoj pedagogiki (History of Armenian pedagogy)*. Izdatel'stvo Erevanskogo universiteta.

- Gosh M. (1980). Poslovice (*Fables*). «Sovetskij pisatel'».
- Gosh M. (1975). Kniga Suda (*The Book of Judgment*). «Armeniya».
- Darbinyan-Melkonyan G. (2001). «Kniga zakonov» Mhitara Gosha kak istoricheskij istochnik (*Mkhitar Gosh's "Book of Laws" as a historical source*). «Nauka».
- Tosunyan G. (1987). Yazyk «Knigi zakonov» Mhitara Gosha (*The language of the "Book of Laws" by Mkhitar Gosh*). Izdatel'stvo Akademii nauk Armyanskoj SSR.
- Ishkhanyan R. (1993). Istoriya drevnej armyanskoj literatury (*History of ancient Armenian literature*). «Izdatel'stvo Erevanskogo universiteta».
- Mkrtchyan M. (2005). Armyanskaya srednevekovaya pritcha (*Armenian medieval parable*). «Nauka».
- Mnacakanyan A. (1981). Armyanskaya srednevekovaya liricheskaya poeziya (*Armenian medieval lyric poetry*). «Sovetskij pisatel'».
- Nalbandyan V. (1982). Osnovnye napravleniya srednevekovoj armyanskoj literatury (*The main directions of medieval Armenian literature*). «Lujs».
- Oganyan S. (2012). Teoriya i metodologiya obrazovaniya (*Theory and methodology of education*). «Redaktirovat' pechatnye izdaniya».

РЕЗЮМЕ

ОБРАЗОВАТЕЛЬНОЕ ЗНАЧЕНИЕ ЛИТЕРАТУРНОГО НАСЛЕДИЯ МЕХИТАРА ГОША

Офелия Оганнисян

Изучение этического наследия Мхитара Гоша в образовательной парадигме старшей школы рассматривается как фундаментальное средство противостояния вызовам современности. В условиях моральной дезориентации современного подростка этическая система Гоша, основанная на принципах справедливости, умеренности и рационализма, предлагает оригинальный и важный арсенал для формирования внутреннего иммунитета против общественных пороков. В мировоззрении Гоша нравственность выступает в органическом единстве с правоведением и идеей государственного строительства. В контексте становления правового государства завещанные им принципы «всеобщего блага» и социальной ответственности превращаются в образовательные ориентиры, прививая осознание того, что индивидуальная добродетель является столпом общественно-государственной мощи. Аллегорическая структура притч и решение моральных дилемм служат мощными методическими инструментами для развития аналитических способностей подростков. Они способствуют контекстуальному

восприятию явлений и принятию осознанного морального выбора через выявление причинно-следственных связей. Актуализация средневековой мудрости позволяет учащемуся воспринимать национальную культуру как неотъемлемую часть общечеловеческой цивилизации, стимулируя национальное самопознание и укрепление чувства достоинства. Таким образом, внедрение этической системы Мхитара Гоша в образовательный процесс является не только задачей историко-познавательного характера, но и научно-педагогической стратегией, целью которой является формирование рациональной, морально зрелой личности с активной гражданской позицией.

Ключевые слова: аллегорическая структура, морально-правовая система ценностей, гражданская ответственность, критическое мышление, ценностная ориентация, государственно-центричное воспитание, национальная идентичность.

SUMMARY

THE EDUCATIONAL SIGNIFICANCE OF THE LITERARY HERITAGE OF MEKHITAR GOSHA

Ofelya Hovhannisyan

The examination of Mkhitar Gosh's ethical heritage within the educational paradigm of high school is regarded as a fundamental means of confronting the challenges of modernity. In the face of the moral disorientation prevalent among contemporary youth, Gosh's ethical system—anchored in the principles of justice, moderation, and reason—offers a vital and distinctive arsenal for cultivating internal resilience against social vices. In Gosh's worldview, morality exists in organic unity with jurisprudence and the concept of state-building. Within the context of establishing a rule-of-law state, his bequeathed principles of the "common good" and social responsibility are transformed into educational benchmarks, instilling the realization that individual virtue is the cornerstone of socio-political strength. The allegorical structure of his fables and the resolution of moral dilemmas serve as powerful methodological tools for developing the analytical capacities of adolescents. These elements facilitate a contextual understanding of phenomena and foster conscious moral decision-making through the disclosure of cause-and-effect relationships. The revitalization of medieval wisdom allows students to perceive national culture as an inseparable part of universal civilization, thereby promoting national self-awareness and the strengthening of personal dignity. Ultimately, the integration of Mkhitar Gosh's ethical system into the educational process is not merely a matter

of historical inquiry, but a strategic pedagogical approach aimed at shaping a rational, morally mature, and civically engaged modern individual.

***Keywords:** allegorical structure, moral-legal value system, civic responsibility, critical thinking, value orientation, state-centered education, national identity.*

Հոդվածը ստացվել է՝ 12.02. 2026

Հոդվածն ուղարկվել է գրախոսման՝ 15.02. 2026

Հոդվածը երաշխավորվել է տպագրության՝ 21.03.2026